

म॒य्याम॒र्वाची॒श्च प॒राची॒श्चोप॒दधा॑ति त॒स्मादे॒ते दे॒वा अ॒र्वा॒ञ्च॒श्च प॒रा॒ञ्च॒श्च ॥ ८ ॥ अथ
याः प॒श्चात् । अ॒यं लो॒कस्ता॒सां प्रथ॑मा॒न्तरि॑क्षं द्वितीया द्यौस्तृतीया द्यौश्चतुर्थ्यन्त॒-
रि॑क्षं पञ्चम्यं लोकः षष्ठ्यं लोकः सप्तम्यन्तरिक्षमष्टमी द्यौर्नवमी य॒ज्ञमा॑न ए॒-
वा॒त्र द॒शमी स ए॒ष य॒ज्ञमा॑न ए॒तस्यां वि॒राज्य॑धूढः प्र॒तिष्ठि॑तो लो॒कम॒य्याम॒र्वा-
ची॒श्च प॒राची॒श्चोप॒दधा॑ति त॒स्मादि॒मे लो॒का अ॒र्वा॒ञ्च॒श्च प॒रा॒ञ्च॒श्च ॥ ९ ॥ अथ या
उत्तर॑तः । ग्रीष्मस्ता॒सां प्रथ॑मा वर्षा द्वितीया हेमन्तस्तृतीया हेमन्तश्चतुर्थी वर्षाः
पञ्चमी ग्रीष्मः षष्ठी ग्रीष्मः सप्तमी वर्षा अष्टमी हेमन्तो नवमी य॒ज्ञमा॑न ए॒वा॒त्र
द॒शमी स ए॒ष य॒ज्ञमा॑न ए॒तस्यां वि॒राज्य॑धूढः प्र॒तिष्ठि॑त ऋ॒तुम॒य्याम॒र्वाची॒श्च प॒रा-
ची॒श्चोप॒दधा॑ति त॒स्मादे॒तऽऋ॒तवोऽर्वा॒ञ्च॒श्च प॒रा॒ञ्च॒श्च ॥ १० ॥ अथ पुनरेव । याः
पु॒रस्ता॒दुप॒दधा॑ति प्राणास्ते ता द॒श भ॑वन्ति द॒श वै प्रा॑णाः पूर्वा॒र्धऽउ॒पदधा॑ति पु॒-
र॒स्ताद्वि॒मे प्रा॑णाः ॥ ११ ॥ अथ या दक्षिणतः । ए॒तास्ता॒ दे॒वता॒ अग्नि॑श्च पृथि॒वी
च वा॒युश्चा॒न्तरि॑क्षं चा॒दित्य॑श्च द्यौश्च चन्द्र॒माश्च न॒क्षत्रा॑णि चा॒न्नं चा॒पश्च ॥ १२ ॥ अथ
याः प॒श्चात् । दि॒शस्ता॒श्चत॒स्रो दि॒शश्चत॒स्रोऽवा॒न्तर॑दि॒श ऊ॒र्धा चे॒यं च ॥ १३ ॥ अथ
या उत्तर॑तः । मा॒सास्ते वा॒सन्तिकौ द्वौ ग्री॒ष्मौ द्वौ वा॒र्षिकौ द्वौ शा॒रदौ द्वौ हे॒-
म॒न्तिकौ द्वौ ॥ १४ ॥ अथ पुनरेव । या प्रथ॑मा द॒श॒द॒य॒ऽ स लो॒को या द्वितीया॒न्त॒-
रि॑क्षं तद्या तृतीया द्यौः सेममेव लो॒कं प्रथ॑मया द॒शता॒रोह॑न्त॒रि॑क्षं द्वितीया
दि॒वं तृतीया तथै॒वैत॒द्य॒ज्ञमा॑न इ॒ममे॒व लो॒कं प्रथ॑मया द॒शता॒ रोह॑त्यन्तरि॒क्षं द्वि-
तीयया दि॒वं तृतीया ॥ १५ ॥ स स प॒राडि॒व रो॒हः । इ॒यमु॒ वै प्र॑तिष्ठा ते दे॒वा
इ॒मां प्र॑तिष्ठामभिप्रत्यायंस्तथै॒वैत॒द्य॒ज्ञमा॑न इ॒मां प्र॑तिष्ठामभिप्रत्येत्यथ यो॒त्तमा॒ द॒श-
द॒य॒ऽ स लो॒कस्त॒स्माद्यथै॒व प्रथ॑मायै द॒शतः प्र॒भृति॑रे॒वमु॒त्तमा॒यै स॒मान॒ऽ द्योत॑द्यदे॒ते
द॒शता॒वय॑मे॒व लो॒कः ॥ १६ ॥ ता वाऽए॒ताः । च॒त्वारि॒ंशदि॒ष्टका॑श्चत्वारि॒ंशद्य॒-
जू॒षि त॒दशी॑ति॒रन्न॑मशीतिस्तद्यद्यदे॒तदा॒ह त॒दस्मा॑ऽअ॒न्नम॑शीतिं कृ॒त्वा प्र॑य॒हति